

دائرة مخصوصه

در سعادتده باب عالی جوارنده

محل اداره :

مشرط افق

اخطار :

مسلكمزه موافق آثار جديده مع المنوئيه
قبول اولنور

درج ايضله بن آثار اعاده اولنور

ديره، فلسفه، علوم، حقوق، ادبيات و سياستنامه و باطلاحه كرك سياسي او كرك اجتماعي و مردماني احوال و شئون اسلاميه در بحث ايدر و هفته ده بر نشر اولنور.

آبونه بدلي

صاحب و مؤسسلری :

در سعادتده نسخه سی ۵۰ پاره در

ابوالعلا زين العابدين - ح . اشرف اديب

سنه لکی التي آيلنی

ممالك عثمانیه ايچون	۸۰	۴۰	غروش
روسيه	»	۳۰۵	روبله
سائر ممالك اجنبیه	»	۹	فرائق

تاريخ تأسيسی

۱۰ تموز ۳۲۴

قيرلهدن مقوا بورو ايله کوندريليرسه سنوی
۲۰ غروش فضله آلنير

عدد : ۶۲

۲۷ شوال ۳۲۷ پنجشنبه ۲۹ اشرفين اول ۳۲۵

اوچنچي جلد

و بوندن صکره دخی همزه نك حرکه سی لاهه نقل و کندوسی حذف اولهوق
[معل] و ژنده [ملك] اولدی .

شو حالده قیاس اولان ، انی [افعال] و فنی اوزره جملندیرومکدر ،
نشه کیم ناظم حضرتلری بووجه اوزره جملندیرومکدر ، انی [ملائکه]
صورتنده جملندیرونلر [ملائکه] ه نظر ایدرک اوصورتده جملندیرومکدر ،
ملك [الوکه] دن مشتقد دیملری میمک ژانده اولدیغنی تصریح ایدو ، رای جهوورده
بودر ، بعضیلری میمک حرف اصلی اولدیغنه ذاهب اولمشدر ، حین ولادت
عمدهده تشمیت ایدن انجق برملاک ایکن ناظم حضرتلرینک صیغه جمع ایله ایراد
ایتمی مبالغه ایچوندرو . و برده ملائکه کرامک عصمت و طهارتلی حسیه
آنلردن برینه اسناد اولنان فعلک کویا جمله سینه اسناد ایدلش کبی اولدیغنه
اشارت ایچوندرو . [اذ وضعته] جمله سینه [اذ] ظرفیت ایچوندرو و ضمیر
مرفوع آمنه ضمیر منصوب نبی اکرمه راجعدر . [شفتنا] شفادن ماضی .
شفا : دوا و عافیت دیمکدر . بوراده مجازاً فرح و سرور معنا سنده مستعملدر .
شفانک جمی اشفیهدر . [بقولها] ده حرف جر صله ایچوندرو و ضمیر شفایه
راجعدر . [الشفاء] فاعل . [بقیه سی وار]

برکت زاده : اسماعیل هفی



قزانه نشر اولنان « قزانسکی تلغراف » غزته سنک ۲۱ ایلول
سنه ۹۰۹ تاریخلی نسخه سنده « صلیک هلاله » غلبه ایده جکی زمان
آرتق حلول ایتدی « عنوانیله مذکور غزته نك کویا ویانه مخابری
طرفندن ارسال اولنان مفصل و غایت بدخواهانه بر مکتوب مندرجدر .
نصل بر فکر و مقصده مبنی یازلدیغنی وهله اولیده نظره چاربان ،
بتون عالم اسلام و بالخاصه عثمانلیلر حقنده صوک درجهیه قدر بدینانه
افکار ایله مالی اولان بومکتوبک طرز تحریری پک قبا ، پک چرکیندر .
صاحب مکتوبک نزاهت قلمیه ایله اصلا مناسبتی اولمدیغنی ، اسلاماره
قارشو فوق العاده بغض و عداوت پرورده ایلدیکی مکتوبنک دهالیک
سطرلرنده کوریلان الفاظ و تعبیراتدن مستبان اولمقدهدر .
بووادیده انکه مسابقیه چیقمق حیث قلمیه بی پایمال ایتک دیمک
اولدیغندن طبیعی هرکسک کاری دکدر .

بطلانی بین اولان سفسطه لره رواج ویرمک ایچون بویه وادیلره
صایق عاجز قلملرک اک قوی استناد کاهلرینی تشکیل ایدر ، چوق
دفعه کوریلان احوالندرکه بعض کیمسه لر سقامتی کندی شهادت
وجدانیسه لرله ثابت اولان برطاقم افکار باطله بی قبول ایتدیرومک
ایچون دائماً مغلطه دن استعانه ایلرلر ؛ انکه تأمین موفقیته ایده مزلرسه
مخاطبلرینی تهوره مغلوب ایدرک عقل و منطق دائره سندن چیقارمق ،
بونک نتیجه سی اوله رق جوابدن عاجز براقق ایچون حیثیتی کسر
ایده جک سوزلرله اغصاب ایدرلر . بوضورتله مناقشه نك شیرازه
انتظامی بوزیلور .

تجاوزه معروض اولان کیمسه ده طبیعی شدت تأثر و انفعالنندن
بر جواب صواب ایله مقابله و دفع دعوی ایده مز . خصمی ده کویا
کندیسی بوضورتله اسکات و الزام ایتدم ، دیو متنبلی اولور .
بز بونی بیلدیکمز ایچون صاحب مکتوبک او امیدینی بوشه

آمنهدر . و [قبل امنه] تقدیرندهدر . [مریم] فاعل و حضرت مسیحک
مادر محترمی مریم بنت عمران الصدیقه صلوات اه علیهمانک اسم شریفیدر .
[العذراء] مریمک صفتی غرقه و ژنده [عذره] بکارته و حمراء و ژنده
[عذراء] بکر قره دینور . حضرت مریمه [عذراء] دیمه سی تزوج ایتمدیکی
ایچوندرو عیسی علیه السلامه حامل قالسی انجق نفخ جبریل ایلهدر .

شمته الاملاک اذ وضعته

و شفتنا بقولها الشفاء

حضرت آمنه نوزادی وضع ایلدیکی زمان او نوزادی ملائکه
تشمیت ایتدی ، اکا خیر و سلامت ایله دعا ایلدی و [شفاء]
رضی اه عنها حضرتلری بزه سوزیله شفا ویردی ، اولابده کی قول
و روایتله بزی مسرور و دلشاد قلدی .

مشارالیه شفاء حضرتلری دیدی که حضرت آمنه رسول اکرم
افندمزی طوغوردیغنی زمان بنم الله کلش ایدی . اول زمان اومولود
محترم استهلال ایلسی [رفع صوت ایتسی] اوزرینه برقائلک [که ملک
اوله جقدر] رحمک الله و رحم بک دیه خیر دعا ایلدیکی ایشیتدم و بکا
اووقت شرق و غربک مابینی آیدینلانوب حتی رومک قصرلرینی
کوردم . صکره آنی صاروب صارمالایه رق یانیردم . بو آراق بنی
بر ظلمت و خوف بورویه رک تویرلم اوپردی ، اوزمان بو مولود
مبارک کوزمدن نهان ایدلمسیه بر قائلک آنی نزهیه کوتوردک سؤالنه
جواباً بر دیکرینک مشرقه دیه جواب ویردیکنی طویدم ، بوسوز
هیچ خاطرمدن چیقماز ، بونک ایچون جناب حق آنی پیغمبر
اوله رق بعث بیوردقده اسلامیت جهتدن ناسک اولنده بولندم . [شفاء]
شینک فتحی وفانک تشدیدیه عشره مبشره دن عبدالرحمن بن عوف
رضی الله عنه حضرتلرینک والده سنک اسمیدر . بعضیلری دیدیلرکه
شفاء مشارالیهانک لقبدر اسمی لیلادر . بعضیلریده : مشارالیهانک
اسمی صفیهدر دیدیلر . کله مذکور شینک کسری وفانک تخفیفی
ایله ده ضبط ایدلشدر ، وزنه نظراً بوراده اولکی ضبط تعین ایدر .
[شفتنا] ایله [شفاء] اراسنده قبل العلمیه معنای اصلیمی اعتباریه
جناس اشتقاق وار . جناس اشتقاق : ماده ده اصل معاده مشترک
اولان الفاظک بینی جمع ایدلکه دینور .

بیانه اعراب و لغات :

[شمتته] تشمیتدن ماضی و ضمیر منصوب رسول اکرمه راجع . تشمیت ؛
لغته خیر ایله دعا ایتکه دینور اصطلاح شرعه ؛ عطسیرانه [یرحمک الله]
دیمکه اطلاق اولنور . حین ولادت محمدیه تشمیتک هنوز معنای شرعیسی
موجود اولمادیغنه و شفاء حضرتلرینک آنفاً مرور ایدن قولنده کی استهلال
لفظنی برملاک طرفندن استهلال پیغمبرییه [یرحمک الله و رحم بک] دیه مقابله
اولنسی قرینه سیله مجازاً عطسیرمق معنا سنه صرف ایتک مستبعد بولندیغنه مبنی
بوراده تشمیتک معنای لغویسی مراددر . [املاک] فاعل و ملکک جمعیدر
ملکک جعنده قیاس اولان بودر : جل و اجمال کبی . [ملک] لفظی رسالت
معنا سنه اولان [الوکه] دن مشتق و مأخوذ اولقله همزه سی اصلی و مبنی ژاندهدر
و اصلی همزه نك لام اوزرینه تقدیمیه [مفعل] و ژنده [مآلک] در ، بعده
همزه سی لامک مابعدیه نقل ایدلدیکنندن [مفعل] و ژنده [ملائک] اولدی

منطق ، منطق اوله لی بویله بر قیاس فاسدک ترتیبه خادم اولامشدر ، ظن ایدرز .

بر کره شو « مستبد قوت » سوزینی اله آلام ؛ بونک معناسی اقتدار مطلق ، اقتدار کیفی دیمک اوله حق . مخابر افندی بیللمی که اسلامیت دنیاده کیمسه یه او اقتداری ویرمه مشدر . کرک خلیفه مسامینک کرک افراد ناسک حرکات وسکناتی عقلی ، شرعی برحق قیود ایله مقیددر . ایشته مشروطیت اوقیوده رعایتی تأمین ، هرکسک حقنی ، وظیفه سنی تعیین ایچون تأسیس ایدلدی . بشقه برشی ایچون ایچون دکل . آرتق بونکله ترکیانک استقلال محومی اولور ، یوقسه قوتی بولور ؟ بیلهمیز . یوق ، یوق .. او استقلال مخابر افندینک ادعاسی وجهله محو اولمدی ؛ تأید ایتدی ، قوت بولدی ؛ دهاده بوله حق !

« کنج ترکر ترکیاسنک یقینده پارچه پارچه اولسی شبهه سزدر »
بوفکر یکی ترکیا کی یکی دکل ، اسکی ترکیا قدر اسکیدر .
ایشته بتون ترکلرده بوکا میدان ویرمه مک ایچون چالیشورلر .
مشروطیت بونک ایچون تأسیس ایدلدی . مخابر افندی کی بايقوشلرک صدای مشغومی آنجق بوصورتله کسپله بیلدی . اگر استبداد دوام ایتیش اولیدی ، چوقدن ایش اولوب بیتیش ، مخابرک سوزی یرینی بولاش ایدی . برکت ویرسون که دوامه میدان ویرلمدی .

ایشک بوندن صکره سینه کلنجه استقبال کشف و تعیینی کرامته ،
حالبوکه مخابر افندینک کرامتله مناسبتی اولمیدیندن کمانته محتاجدر .
آنجق کنندینسک بویله بر هنر و معرفتی اولوب اولمیدینی بزجه قطعاً مجهولدر .

« مسلمانلرک حقوق ناموس و فضیلتلرینک عینی اولان شریعتلری ناپولئون قوانینله مبادله ایدلدی . »

مسلمانلرک شریعتی هیچ بر قانون ایله مبادله ایدلمدی وایدلر .
ویانه مخبری ، ناپولئون قانوننک تدوینده شریعت اسلامیه دن نه قدر استفاده ایدلدیکنی بیلیدی ، بویله جاهلانه برسوز سولت ایدی .

« اسلامدن بشقه انسانلری برایشته صایعاش کبار برترک شمدی ممالک عثمانیه نک مساوی الحقوق خرسیتانلرندن فرق اولیان بریکی اولدی . غازی ، قهار برسلطان شمدی کندی قولیله بر درجه یه تنزیل ایدلدی . بر خرسیتانی حقوقده کنديسپله مساوی طومتق طوغریسی شجیع ، عالی اسلام ایچون برذلندر . »

عوامک غیرت جاهلانه سنی تحریک ایچون آنجق بویله عادی ،
بیانغی فکرلر لازمدر . اگر حقیقت مخابرک دیدیکی کی اولیدی
ممالک عثمانیه ده کی عناصر خرسیتانیه آلتیوز بوقدر سینه دنبری نه ملیتلرینی ،
نه ده موجودیتلرینی محافظه ایده مزلردی . دولت آنلری انسان ،
همده بتون معناسپله انسان اولمق اوزره طامیش ، آنلرک حقوقی
محافظه ایتیش ؛ آنلرده اوسایه ده ترقی ، تمدن ایتیش ، صاحب یسار
و ثروت اولمش ، ملیتلرینی ، لسانلرینی ، دینلرینی محافظه ایتیش ..

سلطان شمدی کندی قولیله بر درجه یه تنزیل ایدلدی ، سوزینه
کلنجه ؛ جوابدن مستغنی بر دلی لقردیسندن بشقه برشی دکلدر .
اگر تأسیس مشروطیتله حکمداران موقعلرندن تنزل ایدیلورلرسه ،
بونی یالکز بر حکمداره تخصیص ایتیموب ، بتون حکمدارانانه تشمیل

حقیقارم جغز . تجاوزات واقعه سینه قارشو التزام سکوت ، اعتدال
دائر سنده اداره لسان ایده جکیز . تا که کورولتی اره سنده حقیقت
غائب اولوب کیمسون . مسئله نک اصل روحی نقطه لری آکلایشسون .
خوش ... ویانه مخبرینک مکتوبی بوزجی اختیارده دگزیادی یا !
فقط مکتوبک ظاهرأ قوتی کی کورینن و بعض کیمسه لرک اذهانی
تعلیل ایتیمی ملحوظ اولان فقراتی جوابسز بر اقامه قرار ویردک
وبونلره قارشو بر قاج سوز سولمکی موافق بولدق .

اولا شوراسی قطعاً بیللمی که بر ملتک ایولکنی ایسته یلر
قدر ایسته یلرده واردر . ایولکنی ایسته یلر البته او ماتی موجب
شوق و غیرتی اوله حق سوزلرله ترقی یه ترغیب ایدلر . ایسته یلرده
بتون افعال و حرکاتی حقلی حقسنز تنقید و مواخذة ایله شوقنی کسر
ایلرلر ، سالک اولدینی طریق ترقیده بو وجهله دوامه مانع اولمق ایستلر .
صحیح العزم اولان بر ملت هانکی منبندن ترشح ایتدیکی درحال
آکلایشلان بوکی سوزلره اصلاً حواله سمع اعتبار ایتیه رک ایشندن ،
وظیفه سندن بشقه برشی دوشونمز . چونکه بر یولجی یولده کیدرکن
اطرافدن کلن هر سه قولاق قبارده حق ، جواب ویره جک اولورسه
بر ساعتده قطع ایده جکی مسافه یی بر آیده قطع ایده مز .

ایشته موضوع بحث اولان مکتوبک صورت مترجه سنده مندرج
فقراتدن بعضیلرینی عیناً نقل ایدیلورز :

ویانه مخبری مکتوبنک ایلاک سطرلرنده « ملت اسلامیه نک پک
قیمتدار خلیفه لری خلع اولنهرق پوکون حکم قرآن محو ایدلدی » دیور .

خاقان مخلوعک طرفدارلنی ماسک سسپله میدان مناقشه یه چیقان
مخابر افندینک بوندن مقصدی نه اوله بیله جکی حقنده برحق احتمالات
واردر . بونلرک هپسی یازیله حق اولسه اوزون کیدر . آنجق بتون
دنیا ایله ویانه مخبری افندی ده بیایر که خاقان سابق اوتوز اوچ سینه
قدر بر مدت مقام خلافتی اشغال ایتیش ایدی ، فقط ملت اسلامیه نک
« پک قیمتدار » خلیفه سی دکل ایدی . ظلمی ، استبدادی تحمل
درجه سنی فرسخ فرسخ کچن بر پادشاهی بتون ملت اسلامیه نک
قیمتدار بر خلیفه سی صورتنده کوسترمک مخابر افندین بشقه
کیمسه نک خاطرندن کچه مش اولسه کرک !

پادشاه سابقک ظلم و استبدادیدر که کنندینس لایق اولمیدینی درجه دن
لایق اولدینی درک یه ایندیردی . بر پادشاه ظالمک ظلمنه نهایت
ویرمکه قرآن عظیم الشانک اخلاص احکام منیفه سی بیننده نه کی بر
مناسبت تصور ایدلدیکنه بر درلو عقل ایردیره مدک . خاقان سابق
فتوای شرع شریف ایله خلع ایدلدیکندن قرآن کریمک حکمی اخلاص
دکل ، بلکه اجرا ایدلدی . برده مخابر افندی عجباً بوسوزلری سولیه جک
قدر احکام قرآنییه زده دن کسب و قوف ایتیش ؟

« بشیوز سینه دنبری یکچیریلر خلیفه لرینی بر قاج دفعه خلع ایتیشلر سده
قرآنله ثابت اولان قوتلرینی آلامش ایدی . بتون عالم اسلام پادشاهنک قوت
مستبده سی مشروطیته تحویل اولمسیله قرآنک قوتی زائل اولدی . بناءً علیه
ترکیانک مستقل اولان وجودی ده غائب اولدی »
سفسط ، وادیسنده عقل و منطقدن آنجق بوقدر استفاده اولنه بیلیر .

ایتمی . حالبوکه بوکون دنیانک هر یرتده مشروطیت مشروطیت ، حکمدار حکمدار ، اهالی اهالیدر . مشروطیت آنلرک موقعلرینی بر قاندها تحکیم ایدر .

« بر خریستیانی کنديسینه مساوی طومق .. طوغریسی شجیع ، عالی اسلام ایچون بر دلدردر »

ویانه مخبری مکتوبنک دها ایلک سطرلرنده « بدوی منول اولادی » دیو تحقیر ایتدیکی اسلامی بوراده شجیع ، عالی صفتلریله توصیف ایدیور . چونکه فکر باطلنی ترویج ایچون بوراده بویله براوسته لغه مراجعت لازم کایور . اوت اسلام ، خریستیان حقوق مدنیجه بوکون نظر قانونده مساویدر . یونک بویله اولسی فصل اولیورده اسلام ایچون موجب ذلت اولیور ، بیله میز . مخبر افندی بیلملی که عثمانلیلر ، عناصر مختلفه بینته القای تخم نفاق ایچون ترتیب ایدلمش اولان بوکبی افکار مزورونک ماهیتی تقدیر ایدمه جهل قدر عاجز ، ساده دل دکلدردر . انلری بوقدر عاجز و صافدرون ظن ایتک کنندی ادرا کسزلکنه شایان خدء استخفاف بر دایل کوسترمک دیمکدر .

« ترکیا مسلمانلری مشروطیتی قبول ایتکله پادشاهلغه مالک بر ملت صره سندن جیقوب دین محمدیه کی ، بزم عثمانلیلردن اوله جق ، ترکیا خریستیانلری مشروطیتک ویردیکی حقوقدن بالاستفاده اقتصادی ، سیاسی جهتهجه الحق مغول ترکلرینک نفوذلردن کنديلرینی تماماً تخلص ایدمه جکلری شبهه سزدر . »

ویانه مخبری یوقاریده شجیع ، عالی صفتلریله توصیف ایتدیکی ترکلری بوراده ینه اغزه التماز بر طاقم الفاظ مستهجنه ایله تحقیر ایدیور . بر صغیفه ده بر قاچ کره تکرر ایدن بوتناقض کنديسنک عقلمدن محروم ، اک عادی قواعد منطقیه به بیکنه بر احمق ، بر غرضکار اولدیغنی صراحة کوستریور .

شیرازه اعتدال وانتظامی بوزلمش بویله بر دماغ فاسد و مذبذبدن جیقان وهذیان محوم قیلندن اولان افکار سقیمیه قارشو ویریه جک اک کسندیرمه جواب اختیار سکوتدن عبارت اولق لازم کلیر ایدی . فقط یوقاریده بیان ایتدیکمز کی بویاوه لردن بعض کیمسه لک یا کلش فکرلره ذاهب اولملری احتمالنه منی ، اسراف کلام قیلندن اوله رق بر کره جواب ویرمه کباشلا دیغمزدن ، مخبرک شوسفسطه سنی ده جواب سز بر ائقنی موافق کورمک .

اگر محرر بی ادراکک دیدیکی کی عثمانلیلر تأسیس مشروطیتله پادشاهه مالک اولان بر ملت صره سندن جیقیدیلرسه بوعراض یالککز انلر حقنده وارد اوله ماز . مشروطیتله اداره اولان بتون مملکتلرده شاملدر . فقط دنیا ده محرر مکتوبدن بشقه هیچ بر فردک مفکره سندن بویله بر فکر سقیم صادر اولدیغنی کی ، صادر اولق احتمالی ده بوقدر . انک بو هذیاننه الجنون فنون دن بشقه بر جواب موافق بوله مدق .

عناصر خریستیانیته کنديلرینی عثمانلی اداره سندن اقتصادی و سیاسی تخلیصلری بحثنه کلنجه ؛ بزم اعتقاد مزه کوره بتون عناصرک غایه مساعیسی توحید منافع جهته مصر و قدر . بدایت امرده بعض سوء تفهومات ، بوکبی ملاحظاته میدان ویرمک استعدادینی کوستر دیسه ده ؛

شمدی انلر برر برر مندفع اولمقده ، عناصر مختلفه عثمانیه ال برلکیله وطنک تعالیسنه ، ترقیسنه جالشمقده در .

اداره مستبدنک محاذیر منتقله سندن اولان بو نفاق سایه جلیل مشروطیتده مبدل وفاق و اتفاق اولدی ، ان شاءا دهاده اوله جق . بتون عناصر منافع . خصوصیه لرینی منافع عمومی و طنه خدمتله تأمین وتوثیق ایدمه جک . تأسیس مشروطیتی افتراق عناصره سبب کوسترمک بدخواه لک ، غرضکار لک صوک درجه سندن اوت اولسه کرک .

مثلا مشروطیت تأسیس ایدلمش اولیدی محرر افندی استبداددن شکایت ایدمه جک ، عناصر خریستیانیته اداره مستبدنه آتیده مقهور و مدمر اولدقلرینی ایلری سوره جک ایدی . فحماً ائم حمدا اوزر مزدن او بیه مندفع اولدی ، آرق اورادن بر چیان باشی قوبارمق احتمالی قلمدی ؛ شو حالده نه یایملی ؟ مشروطیتله انظار عوامده بشقه بر ماهیت ، بشقه بر شکل و صورت ویرمک ، عناصر مختلفه بینته بوجهله القای نفاق وشقاق ایتک ایچون اسلاملرک عزت نفسلرینه طوقونه جق ، عروق حیلرینی تحریک ایدمه جک فکرلربوللی . اوفکرلرله ذهنلرینی غجقلاملی .. ایشه قزانلی دوستمزده او وادی به سلوک ایدیور . فقط عثمانلیلری بوقدر آجیق طوزاقلره آباق باصه جق قدر ساده دل قیاس ایتک یوقاریده سویلدی کمز کی کندی حماقته برهان کوسترمکدر . محررک دستکاه اندیشه سنده جهل ، تمصب ، غرضکارلق وسائر

کبی تار و بود ردائله منسوج اولان بومقاله مفصله رد و جرحه غیرشایان بر طاقم ترهات وهزیانندن عبارتدر . بونی نقطه بنقطه رد و جرح ایتک قابل ایدی . فقط بز ویانه مخبرینک افکار مزورونک دائره سرائیتی توسیع ایتک ایسته مدیکمزدن ، بوجهتی اختیار ایتک یالککز اهمیتی کی کورینن بر قاچ نقطه سنه بوجهله جواب اعطاسنی مناسب کوردک . بویله لزومندن فضله اولدی . صراط مستقیمک مباحث نافعیه منحصر اولان قیمتدار صحیفه لرینی بویله مالا یغنیات ایله اشغال ایتک ذاتاً موافق دکلدردر .

سوزه نهایت ویرمدن اول ممالک سائرده کی اهالی اسلامیه خیر خواهانه براخطارده بولمق ایستز که اوده شودر :

انلر بوکبی مباحثه دائماً قولدن اول قائلنی نظر اعتباره آلی قائلنک ماهیتی تعین ایتدکنصکره قولنک حقیقتی در حال تبیین ایدر . دشمن دشمنه مولد او قوماز ، دیرلر . بز ی سومینلرک دائماً بزه قارشو بویوله اداره لسان ، مغویا تمزی بوضورتله کسر ایدمه جکلری بدیهیدر . انک ایچون انلرک نه کنديلرینه ، نه ده سویلدی کلری سوزه اصلا اهمیت ویرمیوب ، طریق ترقیده ایلرولمکه باقلی ...



خطبه

— ۲ —

الحمد لله الذي جعل الاجر على قدر المشقة . الحمد لله الذي حض على العمل ووفى كل عامل حقه . الحمد لله الذي دبر الكون ودحا الى